

Filimon

Chirethleng Mbulus Filimon da

¹ Kyagha deleewar daba ya a har Mbulus chang nanda hu porsəna də ka thləm Yeeso Kərəsti, tə kəm a har wan manəm də Timoti tə Filimon pashid tar nəm nggəm nəm.

² Tə kəm wan manəm Afiya tə Arkibus pashid tar sodjad nəm, tə fatakkwaya Yeeso na wumnda hai a minda kyawa.

³ Ngwa tsauka nggayid Faara na Chindı tə tsawud dədemnggirha tə yi Chinəm Yeeso Kərəsti tsauka tə kun.

Hwan Faara a Filimon

⁴ Kətsar a nadı a hwanda ni usa Faara ka sa,

⁵ kəsər səkdi fərkəkafekkid wa ahu Chinəm Yeeso tə kəm nggəmnda nana təghən a nafiya Faara.

⁶ Niyi a hwan Faara tə ndaarha tsawud dədemnggid nəm tə ndan fa takkwaya nən a kyado sənda ənggini nanəm təghən hu Kərəsti.

⁷ Sa wanmana, nggəm nduwa fəree də wutsəfayirha kaan tə kaali, kəsər hur nafiya Faara wal nda kaali a fad wa.

Kalang Mbulus Filimon sə aten Onisimus

⁸ Tsauñən kee, ahu Yeeso Kərəsti ni mbang ndorha a əna 'ya na kamngga.

⁹ Amma kəsər ka nggəmni sa na minna sə hwan sa ni nggi Mbulus, nggi suhurgha nanənya, nggi kəm na ahu porsəna kəsər ka Yeeso Kərəsti.

¹⁰ Niya hwan sa a meghed waana Onisimus ahu Kərəsti, tsaudi kəla Chin, nani ahu porsəna.

¹¹ Kaar dowasə wa, amma nanənya kəkafek nəghən a dang kəmsə kyab.

¹² Niyi a wudang thləmad wa də, ndəghənggi mbənegha hur kaan.

¹³ Na minnasə a tsauka a thləmanna a mbədiyahu porsəna tənən deesə ahu tar Labaara na Mbənggən.

¹⁴ Amma mbə minnasə a əna 'ya ni kula sənduwa wa, ama nən naarha nggayid wa a fadna ba tsaurha təta ni.

¹⁵ Asəmha əndi ənagha ndən mal Onasimu sa yi beena ngguchit təna nggər thləghən fa tsauka tə sa pakwandə.

¹⁶ Balwa kəla mafarha a sa wa. Kaldə mafarha, kəsər ka wanmana ni nggəm nəm. Nanənya nən a dorha sə kaan, ahu tsawudghən niifa tə shadnəm hu Chinəm.

¹⁷ Nanən kee ana pashid tarwa ni nggi, thluwun fa kəla na thlə nggi fa.

¹⁸ A əno Onisimus 'ya fa mbuwa ngga nduwa thlədə kumarha a harwa nggini a teukən.

¹⁹ NGGI MBULUS NIYA CHIRETHLEU ƏNDA HAI YA TƏ HARNA TƏ NDAARHA NGGINI A TEUKƏN. MBƏ SEE DALONI NDƏN IN FƏREE NA YIBƏD WA.

²⁰ Nanən kee wanmana hwan ni sa əne 'ya tal kee ka thləm Chinəm. Tərang hurna sə hu Kərəsti.

²¹ Mbərsadi ndən chirethleu ni deleewar dadə ya, səndisə na əna əndi hwan ni sa kamanggən ko kal yanda nən mu ya.

²² Takh 'ya tal faddən, takse kənna sə dəni tsaurha sə, kəsər fərdi kəkafek na Faara a sək

hwandə nun na a wudeegħən thləman nun də dədem.

Mii ngwala nda'ya

²³ Na Abafaras a ndang 'ya kun fa nan ahu porsəna kyab ka thləm Yeeso Kərəsti.

²⁴ Tə kəm də na nda Markus tə Aristakus tə Ndimas tə Luka nan a ənə taara.

²⁵ Ngwa tsaukwa nggayid Chinəm Yeeso Kərəsti tsauka tə səsən nun. Atsaukake.

**Hona Bible
The New Testament in the Hwana language of
Nigeria: Hona Bible**

copyright © 2023 The Seed Company in collaboration with Language Developers and Bible Translators Association

Language: Hona (Hwana)

Contributor: Language Developers and Bible Translators

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-18

PDF generated using Haiola and XeLaTeX on 26 Jul 2025 from source files
dated 18 Jul 2025

d942b897-c376-5386-bfaf-e0ce21c59136